

寓
林
集
詩

寓林集詩卷之四

武林黃汝亨貞父著

五言律

元旦二首

良夜忽已旦，雞唱起寒幃。
佳氣迎風集，晴光藹日暉。
未能還野服，猶自問朝衣。
聞說天顏近，氤氲在翠微。

其二

秉燭還臨鏡，春風首重搔。
催人新白髮，閱歲舊青袍。
操瑟抑何拙，炊薪亦已勞。
祇應傾栢葉，取醉讀離騷。

歌筵贈別吳門倪生

明燭曜新妝高歌夜未央
頽然老居士笑脫少年場
迴雪矜長袖飛雲注曲房
酣餘歡未竟且莫促離觴

送曾長石太史歸省

杜門客少至忽聞君欲歸
憂心不可掇別淚豈堪揮
楚岫春雲爛燕山晴雪飛
到家芳草後遲日試萊衣

讀維摩經有感

古詩誤入

漚沫夢幻身忽然丘井中
龍蛇噴我旁蠅蚋噴我胷
是身既無有諸毒還歸空
身井兩不墨泠泠御天風

午睡溫長卿至

高臥梅花下薄帷晝不開乍驚香夢散忽有履聲來
一枕春光落半牕夕影迴呼童出茗椀小語且徘徊
送蔡敬夫武庫還同安

牢落日以甚又聞君遠行雞聲催曉旆柳色黯春城
文酒中來約江山數去程天南風未斷羽便一緘情
紙帳

不煩施匹練片紙卽明光曉戶雲容展疎簾雪態揚
緇塵一以謝虛白澹相忘靜臥亦何事焚香讀老莊

贈盧瞻南之官宿松

君才非百里薄割亦何艱
害馬自應去馴禽相與還
清連太湖水靜對小孤山
好聽輿人誦薰風一解顏

別姚元素三首

隔日卽愁別今茲別更難
風林無定葉巖壑有驚湍
壁豈投人重冠因知己彈
不堪揮手易空自淚漫漫

其二

黯黯不勝語皇皇何所之
沈憂非緩冕易老是鬢眉
在遠知官拙獨清見行危
環滁山色勝暇日好支頤

其三

每憶西湖水悠悠好放舟君歸當五月短棹足夷猶
醉映紅蓮夕涼分綠樹秋嗟余尚畱滯何日慰相求
別周茂實銓曹

知我如君少悲心值此行紛紜逢國事零落見交情
白日豈如晦高天時欲傾人倫歸水鏡誰可託平生
走筆題陳眉公畫扇

誰寫米家山攜來懷袖間雲峰橫雨氣樹色雜苔斑
自是名人筆能開靜者顏汝南真賞在匏繫亦心閑

秋山讀書圖爲海若高士題

澄懷觀古道
蕭散讀書林
以子累心盡
況入秋山深
淒風墮殘葉
靜爨理鳴琴
高咏千載上
一流清音

鏡園爲劉百世題

一水明於鏡
澄然靜者居
寒光臨睥睨
香色上芙蕖
對月可命酒
披雲宜著書
不論行坐卧
總是在清虛

宋化卿吳仁仲諸君以余左遷移酌竹下卽席

有作

雖助藕絲行酒時偶及之遂作詩料

斜日移書案
飄風過竹枝
喜來人滿座
載得酒盈卮

世味餘雞肋名心似藕絲莊生真解事適去亦唯時

其二

化卿勸予歡喜領受首句及之

領受空歡喜生平不善嗔何須論塞馬究竟是荆人
自作觀初地它非諦往因君王似明月羣象照來真
病眼

病眼等空觀閉門如出家聽人論諫草滿地落天花
日月懸霄漢波濤泛海槎但令吾意定散漫任風沙
寄贈方冲含薦師爲別四首

知己真非易逢時亦甚難從來歌者苦不向里人彈

潤雨壇多杏清風室有蘭一當青眼盼差勝進賢冠

其二

不能三日別車騎每經過憐我窮愁甚憂時感慨多
師門原水鑑世路自風波南下維楊水滔滔奈若何

其三

已託師門重彌因令子親爲郎苦不達譚道喜能新
真賞在山水浮踪豈越秦蒼茫淮海渡幸有問津人

其四

烏府風霜日湛園燈火時年光幾夢幻意氣倍恩私

鹽鐵寧無論湖山定有詩爨餘清響發不敢負相知

初秋社集分韵

羈心常畏客病骨不勝衣良晤當斯夕聞之色欲飛
涼風發新爽高樹下清輝互標物外論酒後轉霏微
其二

秋來暑氣薄向晚倍清嘉蟬響競高唱雲容燦落霞
據牀頻徙倚鑒月轉光華我輩且爲樂世情終浪花
過德州劉元定精舍時元定偶起蓴鱸之想賦

此爲別

寓林詩集

卷之四

五

如子神鋒雋爲郎亦未逢有文惟頌酒無恨不書空
德水龍門隱芳林崔嵬通於中足容與何必羨冥鴻

其二

吾方歸卧日君偶杜門時宇宙豈不廣行藏空自知
匡時紛啟事適意靜看詩盡各無相涉浮雲處處空
哭陶司成周望

與子經歲別竟爲泉下人龍蛇災不免宇宙氣猶屯
千古存神理一棺載幻身寂寥元亮徑海內共沾巾

鑑湖

日夕西湖好看來
逖鑑湖遠分烟渚
碧幽踞石林孤樵
屋過狂客漁船載
酒徒拍浮真可了
寧復問荒途
戴山戒珠寺山故王右軍宅

城郭轉幽處
超然得此山
一林松作籟
萬壑水爲環
指點人烟外
顧瞻巖岫間
墨池荒草覆
殘照古人顏
若耶溪

百里溪水碧
扁舟宕可遊
采蓮人不見
淖劍氣澄秋
處處林分秀
村村事轉幽
親人半魚鳥
我意欲淹留
雲門寺

山迴一徑上古木積雲痕泉雨細行澗溪風靜到門
經聲林轉寂松影月無繁此際但孤坐虛空安可論
慈谿訪劉抑之光祿

霜林移剡棹雪岸入慈湖山色看迴合潮聲聽有無
巖城疑谷口門巷問潛夫不似朝簪裏風塵日載途
過抑之新宅

束髮爲兄弟蓬蒿仲蔚門乍新光祿第依舊丈人殮
處世名原忌入林道自尊無愁相見老行樂及朝暾
慰張成叔內翰病中

知交半零落子病復羸然傲骨原無肉玄心欲謝妍
莊生齊物論叔夜養生篇靜暇焚香讀悠悠自大年
同抑之贍香山千佛殿因訂來約

靜林餘夕照數里到香山妙顯羣生意慈開諸佛顏
紫容分月下清楚出松間江雁如相許逢秋一扣關
將游黃山入臨安時值病目

自具看山眼何愁病作魔此身玄對在到處勝情多
隔樹啼黃鳥迴巖照綠波轉西天目近晚秀起松蘿
潛陽山行

十錦城西去溪溪貯午陰平泉分合澗列岫映雙林
鳥語青雲外人家綠樹深沉行不厭靜者此同心

新安山中

行行山不盡冉冉日何遲泉響通松磴花香散竹籬
晚風樵子徑落照酒家旗草屋烟林裏遙思借一枝

汪然明竹閣

入林已却暑况復竹爲隣幽意在高閣清風室主人
琴尊居自勝魚鳥亦相親且緩登山屐娑娑適此身

吳氏曲水園

夢作名山客因過曲水園溪峰遙入座竹樹澹開尊
壁古流雲氣詩存剝蘚痕逶遲三徑裏二脅幾經門

喜潘景升至

不淺黃山興逢人嘆路難君來偏濟勝我去倍輕安
峰萼已在眼烟霞立可餐願推五嶽長畢趣與盤桓
臨新安舊門人作

廿載林中契于今始到門山緣新看好人以故交敦
極醉藍輿昇高譚玉塵存吾徒洵足樂詎謂道能尊
石壁

翳然林木下曲折泛清瀾愛此水光好况從石壁看
半谿明玉瀉一片綠雲寒相對不能去前峰日未殘

宿蓮華庵

是庵禁酒

暮山看不極轉徑得清涼霄漢一峰紫雲泉衆木芳
淨觀惟佛火高外是繩牀不作攢眉苦相依蓮社長
三宿指月庵用阿字

靜緣行不斷三日宿巖阿霧氣永冥重雲容枕席多
寂寥僧半偈歡喜鳥傳歌此地真堪老終當采藥過
自松谷還上石筍作

谷口遵巖上岩堯入翠微石巖山子屐雲濕道人衣
鳥語清可聽花名辨者稀丹臺遙以對烟氣轉霏霏

禮白嶽

巨靈開嶽鎮玄感奉真君匝地圍青嶂連天盡白雲
名香高頂焚仙樂下方聞祈禱吾何有茲山鹿可羣

天門

百折緣崖上劃然天一開珠宮啟閭闔靈境闢蓬萊
雲氣纖纖度仙輿隱隱迴巨靈何必問方外有人來
自石橋巖還白嶽

西折巉巖下林光落照餘
蒙茸踐山草游泳亂谿魚
石斷移樵徑雲深識道居
投書問五老可許結吾廬

壽王山人六十

遇甲未云邁小年日正長
蘭蓀芳作佩荷芰襲爲裳
無功酒五斗揚雲書一牀
賞心有如此宜醉百年觴

過訪張玄中吳興

數載茗溪想爲君鼓棹過
清澄看秋水宛轉聽吳歌
秀野稻梁遍丹巖楓葉多
訟庭應暇豫琴藥可婆娑

南屏遲雪

獨立一峰上蕭疎萬木寒
微微聞霰集漠漠向雲看
來日春且至茲宵臘已殘
空餘高枕在何處卧袁安

除夕

百歲歡能幾一年事已過漫緣人世涉
虛負此心多
髮白真難變河清竟若何
春來山色好定計在烟蘿

贈吳長統

吳楚半天下誰人不識君
只看游俠傳不作送窮文
有卷皆名筆論交盡逸羣
飄飄殊自勝詎日附青雲
爲周子嘉人日舉子賦

歡喜周家瑞寧馨人日兒生來麟是種看去玉爲姿
弓冶今相託文章更付誰未逢湯餅會亦作引雛詩
山中送徐觀我銓部

無事秋林寂喧聞有客過持衡向天闕高枕自巖阿
好上山公啓還聽孺子歌清流元可貴行矣定風波

九日逢病還理安禪院

五首

政好登高日瀟疎病裏軀松門窺岫嶺蓬鬢插茱萸
酒伴停山展僧寮引佛廬不煩燒藥鼎白水勝醍醐

理安泉色白不受
茶爨在虎跑上

又

日日羨清閑方知病是緣閉門看量藥逗石指疏泉
不禁林猿逸時來谿雀喧夜禪山寂甚松際一行烟

又

不見太古世定如山靜時谿聲清竹籟雲影澹松姿
行路惟樵子棲巖共鹿麋名心淘汰盡何必號鴟夷

又

秋容看漸老霜葉倍韶華絕似千林醉真同二月花
橫開晚山翠亂落赤城霞相對不能酒名泉數飲茶

又

朝看上山日暮看落日山扶光送流影盛色貯顏顏
澹雲行冉冉飛鳥去閒閒展對若有適臨谿不掩關
雨中訪郭凝之得絲字凝之近耽禪

夏林窺似碧朝雨落如絲遲我行舟處憶君趺坐時
羊求初得徑雞黍向來期定不愁題鳳禪燈照酒卮
逢岳儀部爾律轉慶遠守歸述事有感

二首

忽逢歸就李細細話長安世路輕投璧人情喜弄丸
有官悲驥櫪何處漸鴻磐存此瀟然意方知大地寬

其二

西粵山川好君才似柳州蠻方雖僻遠太守自風流
野箐謳吟遍陰崖篆刺畱休論還召日暫寄亦千秋
吳江訪周本音值其病問之

落日到江城停舟問友生經時長伏枕何事獨關情
賦豈愁平子游應倦馬卿君懷當不爾起坐聽松聲
聞梧兒舉子卽化去

不是兒無子應知我魏翁生來已一世歸去悟三空
曉日占蘭夢長林發桂叢終當來鳳鳥千仞下梧桐

贈從游姜于諸子

君輩家風好重過習者門敢云吾道是而以古方存
白雪和人少玄風異代尊一丘寧自勝還與上崑崙
同門人姜清源兄翁夕泛西瀾湖

家在西湖上新聞西瀾湖暮雲還未障小艇快飛鳧
雨過水光澹山來天際孤便當同爾醉可是酒爲徒
董釐卿載酒舟次依韻報謝

政欲理歸舟爲君竟日留不須論失馬且共狎浮鷗
夢遶一林樹輕披五月裘醉餘吟白雪索酒快相酬

錢起莘侍御孫淇澳太史移酒舟次報謝

午影半林塘移尊到野航
禮文都濶略笑語亦清涼
聞說翻雲驟方知靜日長
且傾杯底物撥棹已斜陽
夏日雨後同毛公與申玄渚兄弟訪趙凡夫山

居二首

朝涼生夜雨暑夕到寒山
一帶溪流盡數椽巖石間
起聽泉響切坐對桐陰閒
老此復何事重來定不還

其二

豈少林園勝惟君近自然
開山因接水種樹半栽蓮

酒爲衆人設禪將靜者便我來同此好一榻許依綠
哭張倩七首有序

家倩張郎少成性俊不減雕龍忽抱情癡竟歸夢
蝶傷賈生賦鵬之歲減子淵附驥之年固天道之
無親亦人事之多舛也不佞東牀之快恍若平生
北邙之哀頓成隔世邇往倬來緒亂無文聊以寫
痛而已

璧潤人何在蘭摧我獨傷清揚才子氣跌宕少年場
未及顏之天空餘籍也狂痛呼天不應惟有淚千行

其二

廿載憐冰玉茲辰大可哀
未須論百行只是患多才
繡虎名終屬攀龍事已灰
翩翩雲氣上倏忽又塵埃

其三

孰是無情者鍾情可奈何
病緣消渴甚淚比悼亡多
膏火勞薪盡風霜駿骨磨
一靈無計住滄溟欲成河

其四

逢人稱快壻此夕竟虛無
萬里青雲墮千秋白雪孤
情癡非奉倩興寄類登徒
最苦荆門掩荒荒泣夜烏

其五

座下能文士同推子白眉齒牙時有慧筆墨亦多奇
起草名山記行吟秋水辭自今藏夜壑後歿與誰期

其六

歿亦人常事

脩臨歿作此語

于生倍慘然詎惟多智損總爲

夙緣牽居士還依靜摩登亦愛禪相逢何處所零落
是青阡

其七

門第尚書府清華嘉樹林人俱稱國秀子獨抱文心

明月光偏掩，干將氣已沈。尚欣遺鳳羽，尚可嗣徽音。

送卓仲昌赴官上林

仲月見楊柳，臨歧攀折心。旗亭杯外遠，山郭雨中深。
歌緩畱征旆，春催到上林。縣知掖垣裏，鶯轉和高吟。

贈夏仰瀾先生

魯爲少尹以堪裏鳴

看山日不厭，君至暢玄風。吏是關門尹，人稱河上翁。
有囊蟠地軸，何術奪天工。願借煙霞屐，三山一夕通。

送王明初大叅督漕淮上

飛輓趨王事，馳驅仗使臣。誰爲負舟者，公是濟川人。

且宴湖山月行歌淮海春東南還借寇別淚莫沾巾

冷泉亭小集

晴色霽山巘相看此日閑虛圓松響落點綴薜文斑
偶共高僧話欣開靜者關冷泉清可啜極醉未應還
春日沈伯含招集花下尋武林社同得東字

樾岼霏花雨蘭橈逗谷風尋盟山水好狎侶鷺鷥同
春送雲陰薄賞令心境空停杯佇孤嶼返照在城東
送張肅之還朝

茂樹涼飈集青山夕照餘與君傾別酒不復賦閑居

好拭芙蓉劍新裁政事書澄清知有日從此駕輕車

游三洞詩

余作金華三洞游而秦冰玉山人詢禪師與俱呼
三勝友往返可廿餘日得詩七十餘章嗟乎郢人
白雪余慚巴里之歌謝眺青山客有驚人之句卽
龍性猿心未必諧于流俗而鹿田羊石庶幾托好
神仙云爾

招秦冰玉山人游三洞發舟喜詢禪師至

說法初停塵行踪忽轉蓬欣聞三洞勝恨不片時逢

浪拍峰前雪帆飛江上風遠游方此始嘯詠政無竊

賦得春堤柳色分得伶字

遲日春光駐香堤柳色停亂垂花逕暗交映酒旗青
雪態未可定鶯聲何處聽此中堪一醉歡喜頌劉伶

晚泊漁浦潭

江聲催急棹夜色泊空潭近浦煙初暝遠峰月正含

因之停謝屐況復對瞿曇無問仙源勝清機赴塵談
初夏作三洞游赴婺州周孚鄉之約

春樹青不改夏林綠乍盈鳴禽驚候變秀麥喜秋成

雨氣迷仙嶠烟容薄水城寒暄將一夕感慨客懷生

賦得澌水

寒溪一帶碧細細落纖雲過雨疑停纖無風亦渙文
飄揚披素練宛轉簇羅紋不是鮫人室繁絲詎易分
宿鹿田寺

靜影薄松磴清陰散晚烟鐘聲山上寺仙跡鹿耕田
蒼翠石無數微明月半圓頓令心境寂可許玉壺眠
赤松宮

磊砢下山澗窈窕入松陰何處羊爲石脩然竹一林

丹崖綠雪覆仙逕白雲深願棄人間事斯言獲我心
智者寺

到處仙人宅茲山智者師徑深烟草合林冷鹿麋窺
初地開新宇玄風見古碑芙蓉青片片應與護靈姿

吳江贈別

有序以下白門

余赴官白下停轍長水時詢禪師秦冰玉山人偕
行而殷方叔郁伯承禪師秋潭共載至松陵而別
雖出爲小草恐移北山之文而處有高朋未遠西
方之美各有贈言余爲先導情之所生語不復次

分得秋字

盡是烟霞侶依依滯去舟有情因怨別撫景復吟秋
小草慚吾拙空華與世浮白門疎柳月何日醉相酬
中秋無月羅玄父扣門失應錢昌蕃微病不來
與秦山人痛飲竹下

政好娛佳節悲涼此夕遊雲沈淮海月柳暗白門秋
蔣徑人空返文園客自愁獨憐新種竹共醉綠牕幽
望內苑桂樹作

夢選三秋勝無如八月花新叢小山桂遙望隔天家

芳馥染雲葉扶疎映月華欲煩宮苑鳥銜出一枝斜
九日前二日鄭應尼招集木末亭次韻

爲喜重陽近先期接勝遊天高羣岫曉風冷大江秋
烏帽客誰落黃花香欲浮淋漓餘酒典次第日登樓
初冬邀汝陽秦京新安謝少連白門柳陳甫姚
允吉同米君夢小集河舟分新字

蘭舟渡桃葉微寒逗小春客來湖海舊語出酒杯新
遠黛抹烟嶺宵光澹水濱沈沈醉莫惜岐路幾回親
白門送江邦申還朝二首

纔喜它鄉聚那堪信宿分祇緣鴻漸翼遂使鴈離羣
明月照江樹寒風吹薊雲黯黯應有賦愁向座中聞

其二

簪綬盈朝貴如君自不羣文章參侍從儒雅作將軍
莫側時人目重光上世勲從來饒彩筆日下奏凌雲
冬閨社集永慶寺登謝公墩分得蕭字微字

寒空落山寺入徑意蕭蕭餘日分清暇高談慰寂寥
竹間人可避松下隱堪招且歇憂時想茲遊亦自超

又

古人不可作騁望轉依依幾兩登山屐千秋送落暉
高原江影薄疎樹鳥聲歸不覺林光夕禪房鐘磬微
贈別高民部

老去看交態紛紛逐水流如君一片意直與古人遊
高會尙恨少銜杯不散愁迢遙山海路盡問莫沈浮
其二

郢曲稀巴里莊周嗜惠書嗟予抱孤尙吾子又焉知
對此江山勝愁令酒社疎金陵涼夜月黯黯落庭除
其三

計日難爲別真銷別日魂傾危逢世路迢遞是君門
一劔許相贈千金誰報恩便當揮手去懷抱勿重言

其四

日日送行客於君慘不歡躊躇臨古道折贈托芳蘭
課績半山水爲鄣豈達官西湖有佳境秋日好盤桓

夏日詠懷

四首

離齋何所事閉門知日長客來成小飲手自焚名香
水氣侵疎簾林陰逗短牆陶然曲肱意亦已到羲皇

其二

何能辭執掌聊復應從容作字不數墨裁書知幾封
放形遨野鶴靜嘯對孤松亦愛原嘗客清虛未易供

其三

朝爽足高枕放衙驚吏來衣冠揮汗雨心眼接塵埃
六月未能息一官終見摧何當北牕下酒伴日銜杯

其四

可惜此長日河清未有期蘭芬結幽渚蟬響激高枝
靜躁時難定玄黃戰且危蕭蕭添短髮悽愴早秋知
秋初吉祥寺佛閣成同焦弱侯太史小坐有作

當午暑漸逼馮高秋自來層陰叢樹下澹影遠江開
佛相雲千變僧齋水一杯可留學士帶長此鎮香臺
迎春日社集賦得雨中春樹

春日到春城雨中芳樹榮容光如乍沐姿態或偏橫
懸滴枝應重凝滋葉又生游觀歸未得黯黯若含情
重遊棲霞作

過雨自生爽出門卽見山綠添林野秀清浣僕夫顏
豁路向來識雲霞晝亦聞前峰日未夕尚可恣躋攀
翠微菴

山曲多精舍
空人獨翠微
澗深流作枕
雲冷石爲衣
坐擁一峰紫
杯邀片月輝
不須畱客憇
自可澹忘歸
午自棲霞過華山

飯罷谿鐘午
雨餘林氣清
隔村分樹色
越嶺接霞情
山遠不見寺
人來數問程
忽登最上地
歡喜衆僧迎
華山

萬山回合裏
瞥見最高峰
碧漢若在眼
翠微知幾重
林開歡喜地
佛耀紫金容
古洞延殘照
還搜伏短筇
雪浪山居立夏

巖卉隨春盡林陰入夏初驚看山似浪快得雪爲居
荳乳飄香細松花供佛餘移來佐茗椀小坐儉禪書
期王太古共遊不至歸以嘲之

我欲到名山山人興似闌豈緣兒女累欲作向禽難
鳥影空中跡風期物外觀不須雙眼到卧取紀遊看
午日同汪然明集吳門卽事 甲寅之五月

客中逢午日兩度在吳閫雨後擢歌靜風臨水氣涼
勝情紆坐嘯晴靄散林塘好醉苜蒲酒流光下夕陽

其二

偶停木蘭柁瞥見石榴裙洛浦歸明月巫山過白雲
鷗羣天畔遠鳳吹座中聞雞唱關門早聲聲爲送君
孟夏還金陵泊舟作

送者漸以返蕭蕭獨夜舟停雲黯村樹驟雨急江流
煩緒何緣起浩歌誰爲酬穩眠無箇事竟似水滄鷗
抵官舍喜見諸朋好作

來往俱逢夏經年一瞬過愁聞時事變喜見故人多
老驥仍嘶櫪驚鴻漸得柯名山看未盡挈伴且婆娑
從惠應寺看馬吳甫轉天界張爾韜兄弟小坐

獨涉山家靜，周還雲樹深。
悠然居勝地，洵美讀書林。
清話禪偏喜，空香酒不侵。
無云半日暇，千載此娛心。

華嚴寺探桂

樹樹霏秋色，行行入翠微。
言尋小山桂，共叩老僧扉。
花影明移席，香風暗撲衣。
林光餘日借，極醉未應歸。

過王唯士雲宿菴有作

菴在靈谷寺傍

深林依小屋，秋氣淨埃氛。
偃卧傲長日，栖遲抱白雲。
空香松子落，幽韻晚鐘聞。
自是麝麇侶，還參龍象羣。

月夕飲報恩寺

秋山看未已暮禪一叩僧霜明橋上月星燦墻前燈
席地清陰滿觀空皓宇澄高歌送名酒無量亦能勝

過瓦官寺

去市亦不遠入林殊似深閒房清可隱嘉樹晝生陰
每滯高人屐時聞好鳥音鄰家園復勝與汝數招尋

除夕

又是一年盡都無計可留貧來非是病老至不爲憂
齊物莊生論名山向子遊祇應開口笑朝市亦林丘

其二

蕭蕭臨歲暮偶爾到家書不惜吾年往欣聞兒病除
酒因新釀試花見老梅舒更有宜春帖光暉耀室廬
元日飲銅井寺

古寺標銅井清流出玉河瑞烟香閣繞佳氣曉山多
歲酒昨已醉衰顏今復酡三春行樂始此日不虛過
見柳

梅花飛片片又見柳青青物色新無已春光迅不停
便令香陌秀漸看綠雲冥不忍輕攀折來供大士餅
莫愁湖與吳生白年兄快飲

與君十載別相見轉依依老去交情在惡來世事非
只堪湖上醉莫遣客中違寂寞盧家婦蓮花媚釣磯
病起

病起添新爽如臨雨後晴鬚眉還自勝山水與同清
有客喜相對浮尊怯未傾呼童整山屐取次領霞情
登弘覺寺

盤山停雨巖到寺出晴巒香界心塵絕江天眼境寬
涼來琪樹杪曠俯白雲端小坐分僧飯松花與共餐
晚晴天闕坐眺

絕頂聃趺坐，劃然天闕開。
雲光羣岫擁，雨氣大江迴。
樹杪分餘照，衣裾點濕苔。
歸來松下宿，禪誦暮鍾催。
從牛首轉，獻花巖。

振策下牛首，迴巖問獻花。
不煩樵子引，只傍礪松斜。
蔚蒼樹皆秀，崎嶇境亦佳。
丹巖與紺殿，遙望麗雲霞。
題姚允初同年市隱園

獨此園居僻，蕭然市可棲。
不煩臨筆墨，一幅好山谿。
賦草玄雲護，清歌白雪齊。
雅宜朋好集，日日醉如泥。
黃玄蓋給諫邀游玄武湖

披霧出晴郭凌風汎曉湖巖迴千樹秀水送一航孤
霄漢瞻樓榭山河式版圖此中歌既醉不爲酒杯娛

天界寺

入寺山俱好茲山林壑多雲深藏複嶺樹老出層阿
靜處僧伽語空邊鳥雀過埃氛都不住空我病維摩
看菊

冷暑疑秋浦移來種種花頓令病眼豁添得酒杯賒
惟恐客不至時看日欲斜采英應及早遮莫染霜華
訓榛兒

春來無快事病中惟教兒曠襟非靖節生計魏鴟夷
負郭不能買積書徒余爲卽今虛送日何以託鬚眉

壽丁封翁

化字乃翁

東海歲星偏南坡得大年門綠司馬貴德自蓋公傳
王命榮三錫名山樂九仙稱觴有萊舞客爲賦超然

定林寺

方山名勝地我愛定林幽奇石卧豐草長松翳古丘
碑題殘日月鐘鼓聞春秋

寺有象皮鼓景陽鐘傳自齊梁

屐齒經過

少真空霞外遊

雞鳴山創青亭小飲

亭今名聚遠舊名創青似佳取荆公句也

削壁踞孤亭橫分一帶青山容開遠黛水鏡湛中冷
曲夢臨風奏杯因落日停梁臺與宋苑半入暮烟冥
春日曾民部舜徵招同焦太史蘇符卿張比部
靈谷觀梅二首同用微字

曉色開林壑輕陰護翠微相傳梅盡放靈谷正芳菲
松下逶迤入尊前歷亂飛呼童選佳處勝賞莫相違

六二

寒豔照杯酒清香襲客衣時隨風冉冉疑泛雪霏霏

老眼幾相對素心欣共依肯教輕折贈醉插一枝歸
贈方求仲

五十號方聞翩翩孰似君筆將搖五嶽書可讀三墳
思湛流玄草編殘護白雲不須觀員益向子自超羣
朗初上人自四明至邀同杏花村之游

方外來詩友村中問酒家逃禪因得醉帶笑偶拈花
嬌鳥啼林晚流霞落照斜游情猶未歇三五駐香車
自金川渡峽江小憩

直遡江流上幽將林薄通野航三得渡斷岸幾迴峰

煩暑衝秋日清涼到晚風餘閒宜一醉碧篠小亭中
興安道中示鄧令

屏列數拳石谿迴幾茂林雲痕委山帶水籟瀉瑤琴
不覺長途倦尤宜小坐深此中了公事案牘亦玄襟
栢山道中雨後作

何計停羲馭無能著祖鞭征途閑筆墨暇日覽山川
晴靄林成碧浮嵐雨作烟尤宜松壑下清響出流泉
冬夜邀劉乾陽魏蒼水朱寰同都閩袁天印明
遠樓讌集作

坐得羣公暇因緣吏事稀
水光孤月映野燒落霞飛
空濶天空澹寂寥夜色微
醉餘欹枕上殘漏湛清機

徐孺子墓復構一室題之曰卧榻處

昔聞縣一榻高卧已千秋
道骨殘碑在清風楚水流
未能支大厦詎肯上仙舟
此意誰能識青松蔭古丘

自江右還暫憩寓林作

出岫本無心偶然歸舊林靜幽仍片石清絕是高岑
相對自可老獨居不廢吟胡爲逐車馬擾擾歷崎嶇
其二

客至不能對空齋病骨偏竹林霏綠靄紗檻拂晴烟
鳥過遺幽語僧隣通誦禪此時煩惱想聊尔得超然
聞祁爾光左遷沂州

許大函牛鼎烹鮮佐小州古來稱吏隱當世厄名流
東魯絃歌始西江艮壘畱匡時應屈指珍重拭吳鉤

過滁州訪周海門太僕飲醉翁亭

羣山恣盤礴朝爽到滁陽主人不厭客醉翁聊命觴
老梅霜色古豐洛石泉香其奈征途促無能坐晚涼
荏平道中雨過作

旬日炎相逼于今涼始歸風來覺沁骨雨過欲添衣
細草翠可摘纖塵淨不飛東方欣喜色庶或免調饑
徐生來問焦弱侯先生起居

春暖林花豔歲寒巖栢存生來道者骨不與俗人論
善飯辭醫藥澄懷謝酒尊安危誰借箸問字日盈門

屈指丁未過宿摩訶菴作四睡詩已十二季矣

再宿書此

憶昔蓮廬宿流光十二季三生若宿締四睡續前緣
榮瘁元難定輕安卽是禪老僧勤設供香飯與清泉
出長安德州道中風作晝晦時九月十一

摩地風烟起瀾天雲霧黃空明失眼界平野卽沙場
豈不遵王路居然接大荒遙思遼海上兵氣正飛揚
雪霽汪闌峯山人見過快論玄理走筆漫題

高臥真無賴林巖雪未殘勝情憐我減玄論得君寬

老至不厭壽貧來未罷官生涯難可料定計乞還丹
對雪作

雪色兩峯好無能着屐過何人載尊酒有美在山阿
相望隔林樾相思共嘯歌周旋惟有我清寂盼庭柯

元旦二首

是日迎春

微雨開晴旭春光又一時雪殘漸石竇梅艷吐花枝
氣色新添勝鬚眉老見蠅爲歡惜歲酒笑待友朋攜
其二

元日卽春光風歲乍更青郊寒欲送玉律暖初迎

載酒應尋伴含梅已放英河清難可俟澹蕩且怡情
端午卽事

雨偏沈午日靜可比長林小飲菖蒲酒孤縣葵藿心
清波停菰渡商管寂徽音如此酬佳節能無感慨深
初秋王先民王德操劉晉仲馬遠之朱簡叔集
寓林分得舟字

新秋來夕爽小坐得名流共有琴尊好況臨木石幽
雲光開樹杪雨氣淨峯頭此際政堪醉漁燈送夜舟
林臥

竭來探桂者載酒徧南山余獨經秋卧幽棲一榻閒
梧桐青未老紅葉繡初斑淺酌蓮花白聊爲壯病顏
黃禹鈞輦過訪

徑僻來三友林深開一尊鬚眉看共老意氣獨相存
落日山容媚晚風木葉繁杯行莫辭醉有月到衡門
贈王先民

悠悠行路者誰與入林深乍余對君面澄然知古心
相看雲卧石獨奏水音琴但起伊人想何妨數見尋
春晴訪莫秀甫惠詩次答

春陰積不散晴日一披襟爲訪幽人宅因過委巷深
紅梅霞共豔碧篠翠俱沈最喜芳鄰近何妨數入林

春日同門人包士肩鍾茂弘看梅西溪

晴光艸木悅況值放梅時遠近開香徑飄揚蕪雪姿
迎將山屐緩浮度酒杯遲歸咏林烟上幽懷晚更宜
米仲詔夜訪寓林見示五臺栢葉庵詩卽次其

韻奉答

長卧遠塵境清齋似佛庵故人相對兩荒徑爲開三
嵒隱雲光暎林疎月色涵未窺奇石竇暇日俟幽探

題伴竹居手卷爲潘琴臺山人

物外誰知友林中得此君
泠然清籟奏怡和雅琴聞
入案霏青玉披帷擁綠雲
不須嵇阮輩獨坐亦爲羣
吳本如中丞過訪賦酬

爲憇棠陰舊彌深蘭氣投
達觀齊物論快作采真遊
髣髴疑摩詰衣冠亦許由
恐緣悲念重尚寄廟堂憂
春日蘓中丞招集西湖同楊仲堅看桃花值雨
二月春風裏六橋花雨中
偶因談道暇欣與賞心同
岸柳初垂綠谿桃盡放紅
盛顏借暉日莫令酒杯空

春雨

數日雨不歇春陰積敝廬無從展遊屐只可賦閑居
笑脫牀頭劍徐披架上書吾生僅尔尔世路竟何如
端午作

長日午陰逗清風爽氣俱屑蒲泛美酒嘗黍結香蘆
競渡無飛鷁閒居狎野鳬超然覽黃老不用辟兵符
送錢長人刺史易州

涼風起蕭瑟秋色黯長林一片悲歌意遙臨易水深
高臺多駿骨擊筑有遺音君去鳴琴暇斯人倘可尋

答張肅之吉州寄書

秋夜政懷人書來倍愴神江山天外想詩酒夢中親
世態翻無定交情老愈真翔鴻元自適不必慕雷陳
野宦吟和鄒爾瞻先生見寄

肯與雞羣伍翔翔芳樹林自憐青漢影獨抱白雲心
支遁神相賞林逋跡可尋嘒嘒緱嶺上振翮奏清音

詩集詩卷之四

終

寓林集詩卷之五

武林黃汝亨貞父著

七言律

周茂實爲語溪令賦訪

矯首凌雲夙昔期江南驥北幾分攜看君結綬行花
縣媿我譚經老絳帷朗月遙臨西子畔春風偏到語
兒溪風流不是臨邛客欲傳循良問口碑

初夏與郁知白卓稚穀過三生石坐話

三生石下亂峯前小坐烹茶亦是緣苔潤層陰微帶

雨林疎細竇忽生煙衣香半襲巖間艸語韵都分竹
裏泉長日似年人不覺但依山靜卽安禪

端午日感懷

參差小竹午陰移閭寂空堦晝影遲燕子飛飛還繞
幙蒲花泛泛慘盈卮通靈不復來孤枕斷命誰能續
五絲莫向水邊看競渡年來傷逝歎如斯

過吳門金玄朗故居玄朗客處

飲馬橋西舊酒徒到來門巷已荒蕪譚天不復聞鄒
衍罵坐何緣有灌夫老去壯心銷客夢生成俠骨葬

江湖長林豐草悲歌盡明月闌門泣夜烏

沈伯含謝九紫進士見訪山齋

秋林爽爽出清芬山閣陰陰覆曉雲詩自清新驚謝
眺客宜瀟散卧休文高譚字挾風霜氣幽賞心將麋
鹿羣最惜尊前離思劇暮山煙雨共氤氲

聞朱大復比部以抗疏罷歸柬寄

青青木葉蔭荒廬小坐焚香得晏如忽道波臣橫海
上驚聞比部叩關初藏山自昔多玄草報國於今有
諫書折檻可能回聖聽煙霞未許襲衣裾

春正壽顧對山先生七秩先生真教喬也

錦城春色麗朝霞
騁望扶桑氣正賒
七十喜逢傾栢葉
三千初見放桃花
西方日奉真人教
南極星臨處士家
更羨忘憂共萱草
斑斕庭下舞衣斜

寶函樓爲公朗賦

高樓百尺敞虛無
貯得千函道未孤
直上幾人乘寶筏
探來何字不明珠
青將遠樹窺山岫
綠滿前溪蔓野蕪
老我蠹魚餐五色
可容小坐結跏趺

閔邱報感事

投七中宵氣不平東方寇盜遂從橫青蒲盡日闕前
箸白面何人解請纓中原自此多征戰城下當時枉
乞盟聖主齋居寬斧鉞杞人何事說天傾

朝發盤山飯千佛寺

初日盤峯爽氣侵薄雲輕騎上高林石橫曉岫千巖
競泉落秋濤萬壑沈鳥道偶窮松下路僧家小隱澗
邊陰胡麻飯罷尋諸佛亂點山容散紫金

自中盤到上方院

堆雲片片鬱千重複磴盤空鳥道通壘塊林間蹲虎

豹菁葱天外削芙蓉細披蕪草迷煙屐斜倚危巖倩
竹筇聞說上方鍾磬杳西飛又有白雲峯

香山寺來青軒作

秋林無日不清嘉躡嶠披雲爽倍加坐入寒空高翠
巘餐來秀色落青霞石泉淅淅將風葉山靄氤氲共
雨花自是高軒開勝賞羣峯低處瞰河沙

九日同明宗師登香爐峯次開之先生徵字

高天九日靄晴暉直上香雲塵共揮亭倚中峯青玉
立巖垂千丈翠華飛何人笑進黃花酒得汝時牽白

袷衣勝賞似今知幾夕起起物外得皈依

東目昭明寺得層字

丹梯高倚石峻嶒短屐鉢衣愜共登萬壑飛濤秋響
切千峯沉藹暮煙凝臺荒帝子畱殘偈錫卓高僧
慧燈寥寂東來誰共賞孤松顛際白雲澄

玲瓏山

上有三休亭

烏道盤雲翠幾重層層削玉吐玲瓏三休亭立遲青
靄九折巖開展碧容松葉含風吹細細石泉飛雨落
濛濛晚來爲覓坡仙筆自掃苔封月露中

送姚允初同年讞獄楚中

歲晏離歌不可聽
林鐘相送出南屏
皇家德澤如時雨
使者光輝是法星
署裏爽鳩雲尚白
洲前鸚鵡草猶青
欲知仙棹停何日
正及春波滿洞庭

爲丁右武哭長子元禮二首

千丈峩峩泣長輿

長輿爲丁右武才子去年客歿

不堪元禮亦離居

淒涼林下看明月
黯淡床頭有父書
鶴羽千年疑委化
鳳毛五色竟成虛
修文總道販香案
我輩鍾情恨

有餘

又

秋水爲神玉作顏
謝家子弟政翩翩
相期雲氣還如日
詎謂風流不駐年
愁絕孤琴秋響落
惟來芳樹月華前
黃金臺畔銷沉盡
駿骨當初誤入燕

夏日建安王招飲名園有作

曲徑斜通宛轉廊
綠陰青靄泛滄浪
亭閑花木招叢

桂壁有圖書賦迭香

陳思王有
迷迭香賦

黯月半窺青玉案涼

風輕送芰荷裳
醉餘雪曲猶堪奏
惟得鄒枚傲客梁

路漢畦先生督糧豫章未一月奄逝賦以志慨

浙浙悲風江漢間流光未許貯衰顏
竭來露冕洪州路歸去雲旌陽羨山
空憶鱸魚秋自老好從蝶夢日方閑
薇垣頗近真人宅無計相過乞大還

受卷觀應試諸生

搖搖華燭亂明霞灼灼朱衣擁絳紗
若個書中能作蠹何人筆下不生花
函闢可擬師俱集鉅鹿猶嫌戰未賒
吟罷閑心歸枕上淡雲斜漢淨天涯

登潤陂樓賢山

曲水荒陂蕭寺前巖迴深處得棲賢
人間莫問飛仙

事林下偏多傲吏緣
茗樹青青朝霧上
漁舟渺渺暮煙連
到來敢謂邀笙鶴
雞犬江村自宴然

送朱文寧太史冊封

僊郎下直賜衣香
帝子分祠出未央
握節星辰隨六傳
題詩風雨擁三湘
登山阮屐峯嵐迥
將母潘輿驛路長
到日定逢羅令尹
不將詞賦滿雲裝

題郭中丞增秩瞻思卷

寒山隱隱草離離
古墓空傳有道碑
三錫載逢丹詔下
九原重繫白雲思
風霜柘府畱貞幹
雨露松門發

舊枝鼎業箕裘仍未艾 聖朝時復奉恩私

送顧太史冊封

霓旌玉節自僊郎 捧得絲綸出建章
月照河津開氣 紫風迴汴水野雲涼
龍孫使命新桐葉 兔苑才名舊
栢梁載錫 君恩同罔極 好將雨露寄秋嘗

王相如持同年唐美承閩中書過訪畱飲謾作
淒風木葉落霏霏 勝侶天涯事已違
素鯉忽從江上 躍樓鴻鷺自海邊
飛杯間屑瑟迎玄箸 燭下翩翩映
紫衣

時相如
永紫

不是臨邛能愛客 相如才調客應稀

六月小憇玉嶺館

半嶺前軒竹作林，每疑秋氣集蕭森。
和風枕上通朝爽，落月牆隈逗夕陰。
小飲媿非高士座，孤標欲共此
君心。車塵到此應無駐，閒詠逍遙卧玉岑。

曉起嶧山作二首

空山高枕落殘鐘，初日遙臨出曉峯。
青自岱來窺魯望，白將雲護表秦封。
孤桐峭石霜容老，文杏深壇雨色濃。
更羨雙飛鸞鶴馭，恍疑侯嶺躡仙蹤。

其二

木樓雲巖度日斜層九列壘若交加松龕雙隱僊人

宅

有安然遠臺二子於此昇舉

桐寺孤存帝釋家鼎熟山泉將碧

蘇厨分香飯供黃芽逍遙頓覺天門近還上峯頭攬

五華

東阿道中忽枉張明府仲肅詩篇

日莫東郊悵客途雨餘春樹綠扶疎看花自昔聞仙
今作賦于今得大夫下里屬歌難白雪前車落照忽
明珠亦知燕趙多奇氣

張令燕人

可勝曹郎繡虎無

東阿有子

甚建

送門人周子寅新舉孝廉歸壽尊公宮諭厲齋先生

秋高岱嶽靄青雲逸駿橫空冀北羣新試荷衣趨鯉
對初開玉匣扶龍文華筵笑進黃花酒香案欣披紫
閣芸爲語千秋傳大業好將三策答明君

立夏前一夕張孟奇見招同徐鳴卿米仲詔諸
君子集李將軍園分西字

晴雲秀野綠初齊高會名園客共攜片片花英紛座
上山山爽氣出林西都將世事銷杯酒未許風流易

組圭九十日春畱此夕肯教歸騎驟芳堤

新霽過綠雪齋同沈仲潤年兄賦次韵

客身天地澹何求纔到香林事事幽語入清玄人比
玉坐來新爽室疑秋鳥聲時共經聲落茶氣還同雨
氣浮更愛琳琅青可摘一枝聊爾託稽畱

靈山有稽留峯

贈別張從龍儀部時從龍推尚重少卿辭歸省

母夫人

三載浮沉嘆此身論交誰復似君真艱難國步悲岐
路寥廓天涯許比隣一疏辭榮仍戀主三公易養爲

寧親安危正藉匡時畧莫詠滄浪滯海濱

大司馬于田李公見枉大集答贈小詩二首

閉門無事賦閑居忽訝明珠照敝廬
于羽堯階平播策梯航禹貢治河書
雄風直逼千秋上大雅中興七子餘
始信文人能用世不將詞賦擬相如

其二

安危孰是令公身世路紛紛怯問津
獨有高岡儀鳳鳥具瞻傑閣畫麒麟
齊梁狎主文章伯夷夏咸歸社稷臣
十載龍門今得御可容鞭弭逐清塵

次王百谷韻贈石佛上人

短日優游亦小年不須薙髮竟安禪
澄澄水白松停雪片片峯青座擁蓮
僧自開山同慧理客來漱石證寒泉
陶公莫作攢眉態日飲名茶已霍然

天鏡圖作

冬日如春好放矚逶迤晴野泊烟汀
光澄一水雲俱白秀落千巖鏡共青
閣有圖書分禹穴池饒竹石半蘭亭
此中未許塵容到徙倚滄浪唱獨醒

秦望山

溪風橋轉陟秦峯，捫葛攀蘿倩短筇。
煙霧漸開高日，氣林巒直上破雲封。
瀾漫大海窺三島，蒼翠東山點萬重。
俯仰莫辭今日醉，古來王謝幾過從。

天都峯

凌風直上躡虛無，海子峯高天子都。
屏倚翠微搖紫玉，鼎函丹井落玄珠。
俯窺兩目吳天盡，東西兩天目僅及此山之
足遙帶三山楚岫孤。
吸露餐霞從此老，何須清淺問蓬壺。

藍園作爲德聚淳之兄弟

一入深山世便輕，況憐花木有餘清。
乍酬勝侶經年約，又結名園信宿情。
遠岫坐看雲盡出，長廊行見月初生。
問奇載酒無虛夕，獨詠滄浪未解醒。

初夏作三洞遊赴婺州守周孚卿之約

生來懶性似嵇康，信宿相期又一霜。
浮世真如蕉鹿夢，勝緣還到水雲鄉。
無煩太守空樽酒，應有仙人掃石房。
朱草紫芝餐不厭，好同嘯詠薦新涼。

訪蕭九生叅伯

使君高韵故翩翩，記得長安結社年。
岳伯珪分青玉。

案婺州星下紫薇天但餘山水供玄箸欲買琴書少
俸錢今日相過能下榻可容縱飲酒如泉

赴岳伯損之先生講堂洞之招時秦山人詢禪
師與焉大是佳話賦以紀之

有客相攜方外游洞雲霏雨冷疑秋襟期自合諧支
許禮法何曾爲阮劉絳節飄搖玄鶴下空香披拂翠
微幽勝情此際真千載不道人間有十洲

雙龍洞

紫微岩畔問雙龍巨石盤空夾翠重一片晴嵐翻海

浪細流玉乳破雲容岩嶢似覺天門近
寥泝時來水樂供此地不教沉醉去三山何必覓仙蹤

冰壺洞

桃津一葉小於梭恰可容身候忽過扶舄平移天路
杳縣燈細數海雲多靈區竟入蓬萊島清籟俄聞孺
子歌日月此中真可老肯將幻影逐風波

朝真洞

天際真人不可招偶逢樵叟若相邀
冷風回薄淒松壑斜日流暉上石橋
峭列羣峯仙子仗寒飛孤響玉

人簫飄飄似挾青鸞羽便欲凌空到九霄

蕭叅岳損之招游三洞復邀飲玄暢樓有作

洞天未倦采真游醉我還登玄暢樓煙井萬家臨寶
婺溪山一帶表神州仙姿入座疑蕭史高詠澄懷羨
隱侯更愛芙蓉峯上月清光遙映紫霞浮

九日社集水部園亭分得微字

風厲雪空朔鴈飛疎林高館澹清暉朋來有約尋黃
菊尊滿無煩送白衣遙睇秋容山氣暝競承歌黛燭
光微宅鄉此夕真難得爛醉花前莫漫歸

冬初留春亭賞菊分得侵字

高天落水自蕭森，菊老芳園霜氣深。
枝逗微寒披晚秀，花將密豔布清陰。
夕餐共喜顏齡駐，醉插何妨衰髻侵。
攜手籬前遲明月，忍同蔓草委秋林。

賦得秦淮汎雪

宛轉長淮湛碧流，飄搖雪色滿滄洲。
梅花細拂香風岸，桃葉輕颺素月舟。
望處恍疑瀛海近，興來不羨剡谿遊。
吳天楚水遙相映，把酒能無郢曲酬。

除夕錢國蕃羅玄父攜酒官舍有作

忽爾春來歲卽除閒官何以送居諸鬢眉老見紛紛
白世事愁聞咄咄書獨有梅花林屋遶欣來蘭氣酒
杯餘明朝遂是經年別痛飲寧容此夕虛

少宰史公水曹清隱成奉和

翳然林木四時秋如水臣心足傲遊人在市朝稱大
隱自宜丘壑託名流幸逢聖世如堯代不到箕山亦
許由日日裁詩集公譙怪來樂事勝瀛洲

其二

艱難京鎬肇千秋此日園林子快遊東望鍾山磬紫

氣西來楚水護清流竹間嵇阮堪招飲徑裏求羊可
共由六代繁華銷歇盡太平長集帝王州

初度白門作

陽回初日照華顛謾說知非又幾年老去道心還自
識生無媚骨受人憐朝簪偶寄猶稱隱世網全疎半
似僊更愛金陵佳勝地謝家山屐米家船

嘯園社集

寂寂虛稱吏隱名喜來負笈有諸生共看魚鳥親人
意洵美園林無俗情載筆朝霞紛割席論文夜月競

傳觥行藏到處從吾好南面何須擁百城

避暑賈氏園亭作

經旬水國惟淫雨今日炎蒸遂通天何處涼風亭樹
下偶來修竹石城邊蟬聲嘒嘒清長晝雲影垂垂度
小年執手謾誇東閣盛何如陶令北窗眠

國華宗侯招飲時沈五陵在座扇頭有顧鄰初
納涼詩次韵有作

無奈歎蒸此日長欣從河朔飲清涼選將近水雙株
樹似落高天十月霜一帶好風移雀舫半酣狂態踞

胡牀山頭纖月猶堪翫
潦倒何辭醉夕陽

城南諸山看雪期王太古不至有作

山到城南秀獨偏
朝來景色倍澄鮮
千林曉樹燦羣玉
一片澹雲橫
遠天雨花似作瓊
花落雪曲疑將郢
曲傳漫說袁安高
卧穩幾人清興得
超然

登華嚴閣

松齋飯罷轉丹巖
高閣凌虛貯寶函
漫向佛前參半偈
且從天外品諸品
聲和清楚幽禽語
香動靈花野鹿銜
勝地從來恣奇賞
肯將雲衲易朝衫

秋日登燕子磯

秋風瑟瑟石巉巖一片江光萬影涵地坼波濤連楚
蜀天開形勢壯東南珠聯海月明龍藏梵雜潮音響
佛龕隳色蒼茫懣未盡不勝俯仰意空含

牛首摹歷代祖師像百幅仲冬九日值予生辰
縣供報恩寺焦太史弱侯曾民部舜徵蘓尚璽
弘家趙駕部當世張北部肅之及山人王太古
方求仲輩俱集天日新霽瞻者如雲亦一時勝
事也喜而有作

高僧百代曠同聲歡喜因緣集化城晴日光輝開佛
日無生秘密證長生共窺帝里新蓮社不減廬山舊
姓名古往今來無住相總於浩劫現空明

元宵夕門人輩各貽華燈痛飲有作

絳帳華燈列錦堂衣冠楚楚儼成行移將桃李騎春
色散作雲霞燦夜光三五良宵時不再十千美酒醉
何妨同明相照心如許不羨豪奢似季長

送少司寇可臬宋翁賁捧作

河橋雨霽柳絲輕飛蓋翩翩班馬鳴幾度荒城逢候

吏無邊春草引王程慶雲近捧金函麗卿月遙窺玉
珮明造膝倘垂 仁主問艱難何以救蒼生

吳遠庵先生六十春秋詩以爲壽先生吾師司
寇公弟也

垂髫相向效嚶鳴荏苒年華世載更北海樽前稱小
友秋公座上老門生每於頌酒深衷見聊復譚禪滯
慮清願汝千秋停日月三山二水狎鷗盟

送鄭應尼擢真定守

驛路梅含子月春畫熊初御左魚新百城推長郎高

第三輔惟藩帝近臣鴻鴈自南衡雨雪騁騎空北絕
風塵相期更在凝香寢萬里投詩總比鄰

壽羅振之光祿五十

曾因御膳侍彤墀休沐林泉鬢未絲有命同應隨仕
達無非原不待年知筵前桃李千秋色庭下蘭芬二
月時吾道已東期令子贈君聊寄一城詩

贈王雲池徵君

無功五斗意自遠陶潛三徑賦歸來古人風尚真殊
絕先生可以相往回種花養魚長千里行歌坐嘯清

涼臺把玩日月不能老婆娑塵世亦清埃

壽戴郡丞

錯履賓筵進九如共懽穀旦值懸弧高名早定千秋
品善頌惟看五嶽圖河潤已深茗雪水風清還映聖
明湖卽今日月皆開霽旦晚東南到玉符

陳寄南

祭酒咸推望一鄉孤山梅嶼日尚羊素封并擅詩書
舊玄箸時霏翰墨香楚楚玉芝庭下秀英英霜菊晚
來芳羸將歲月供吟事老許雞豚醉舉觴

校士清江除夕作

華燈照夜影幢幢孤館殘年意未降豈有文章驚薄
海但看牛斗傍蕭江顛毛點雪添雙鬢老眼觀風又
一邦爲報來朝新氣色明珠璀璨到晴窓

和華山王心源訂遊姑山原韵

塵緣未斷夢遊仙風物依依似昔年愛向名山清賞
共欲分遲日景光延丹霞徑轉霏空露碧藕池深瀉
澗泉遙訂梁園飛蓋日青青岐麥秀山田

七夕徐州作

南來北望各天涯旅次淮徐且作家幾處關山夢空
夢誰人河漢泛仙槎荒亭獨坐三更月尊酒何來五
色瓜又是一回良夜過能辭衰髻染霜華

入賀

萬壽次同年蔡伯達唐美承韵時值遺事史沈二

公有宣麻之命

病骨何堪作遠遊擬將金鏡獻千秋無能報國頻爲
白纔到憂時涕欲流薄伐卽今勞戰馬太平何日狎
眠鷗盈庭纍纍談邊事盡說新叅有斷謀

同年王墨池京兆招石鐙庵一飯時予病謝酒
祇緣病骨不茹葷物外招攜幸有君鉢具伊蒲饒淨
供杯浮玉茗足微醺紛觀時局盤中爽靜取閒身樹
下雲冠帶長安如劇市幾人解向此中分

越日同年李四可給諫再招石鐙小坐

委巷禪房少和歌偶然三日兩經過難將熱惱消除
盡暫得清虛受用多無字經文翻白石有緣香靄結
青蘿獨憐宵旦干戈裏若箇將軍是伏波

春日坐寓林

細雨初過晝掩門何人流水問桃源山茶映日花凝
笑洞壑畱雲石不言獨向疎林開嘯谷且藏樽酒遲
平原境間此際心俱遠不受填填車馬喧

王先民同德操見訪寓林投以佳詩次答

山南遙入獨爲村徑是梅堤繞竹根車馬漫勞投委
巷煙霞自合到衡門客來道氣眞朋好坐對名山亦
主恩小艇遡廻原不遠何妨深話月黃昏

賦得裊裊青蓮翠色重贈孫使君子長

蓮華空際裊千尋秀瓣層層積翠沈清入炎天藏古

雪朗銜晴旭散重陰雲霄迥出金臺麗江漢遙瞻寶
座深絕似使君爲政日高標神采映玄心

凌元孚元叔黃禹均三公移尊寓林見贈佳作
次韻

三山人盡羨蓬萊偏向湖南一曲開寥寂談經惟石
供殷勤載酒得朋來畱將醉色芙蓉徑領受清光
月臺霜鬢相看秋共老楓林落葉幾銜杯

爲韓母顧太孺人題崇萱冊

南極祥光藹北堂潘輿催出內家粧仙郎政美河陽

令壽母人歌魯頌章酒獻蟠桃霞共豔髣髴黃菊晚
逾香自今鳳詒從天下歲歲承歡樂未央

壽朱襟海中翰七十

茗溪西去盛簪纓薇省曾高荀令名暫輟綠毫辭紫
禁却耽美酒醉烏城庭前掩映琅玕秀林下蕭疎蘿
薜情逸老堂開人未老不煩玉杖峴山行

封孺人丘母張夫人七秩壽詩有引

張孺人予同年曾城丘公元配儀部君元禮之母
今天啓二年孟夏廿有九日其懸悅辰也孺人齋

心事佛宜百年無量之壽而儀部乞身侍母有三
公不易之樂人倫盛事能無頌章批牒在前聊以
引玉云爾

悅懸淑景啓朱明政樞仙郎愛日情畫錦堂前綸綍
燦水晶簾外珮珠鳴憂忘萱草人壽老業淨蓮花佛
共生百歲喜瞻嬰孺色應知就拜有公卿

仲夏茅孝若載酒湖上餞南恩受中丞赴閩賦
別分得霞字

廿載睽端天一涯欣從樽酒泛仙槎湖波澹蕩如秋

水山雨空濛逗晚霞已爲離心停使節尚餘幽興過
山家看君意氣真閒定閭海澄清未足誇

林若撫載酒同陳元朋王孝儀唐無阿過訪寓
林俱有佳詩見投次韵

木葉蕭蕭秋氣澄開門却掃靜如僧一尊見餉真宜
醉千里方來喜得朋黃菊尚含花寂寞青巖堪對石
峻嶒陶然共載歸而詠佳句同參最上乘

爲徐玄仗少司馬題虛全堂

虛全先生妙行藏城南南湖開草堂含煙帶雨共澄

卷之五
碧浮鷗狎鷺相徜徉花籠北斗尚書笏苦卧東山甲
士鈴祗恐時危勞廟筭未容庸詠據胡床

督學孫子長先生以浮言拂衣賦此爲別

浮雲庵忽蔽吳天孰謂文章別有權總是入宮終見
妬應知同病自相憐栽來桃李青春遍別後湖山白
雪傳信道明時清論在莫耽蕩酒日陶然

寓林集詩卷之五

終

寓林詩集卷之六

武林黃汝亨貞父著

五言排律

薤草

蓬心紛未理庭草蔓逾滋濯翠窻文淨刊芳野色披
刀微連寸寸拂重引絲絲繞砌苔痕辨侵堦蘚跡離
月臨蘭徑白片片履清夷

登上盤塢一宿

石壘兀巔峴山山到上盤滿林飛夕靄孤塔出晴巒

多寶重雲護靈光落日看青蕪阡陌繞浩渺海潮觀
煙井漁陽晚風沙鴈塞寒秋聲聞下界月色照空壇
倦乞袈裟臥清分苜蓿餐荒碑明佛火興廢一憑欄
節壽詩

紫鳳銜書日青鸞破鏡時獨憐冰葉意藉有歲寒知
謝媼風俱秀姜姬操並持綵衣宜暮景白首尚垂帷
桂馥金風遞蘭分玉露滋北堂萱自老西嶺竹名慈
節以鷄鳴植謀將燕翼垂喜看承寶籙還擬宴瑤池

送選士李生麟初

一作風塵吏襟期不可論誰爲歌鳳德爾幸峻龍門
榻自高人下文將大雅存綢繆方解佩悵惘忽離尊
征馬桃花護驅車綠草繁上林應有賦雲氣欲翩翻

游焦山

未照流晴灩長風薄暮潮山藏江寺古林引海門遙
露氣通丹井雲根長藥苗鶴書豐草護鼇背秘巖超
靈境真無匹仙人不可招翛然遺世想萬籟寂松寥

櫛髮

泊舟作

蘭撓遲夕浦晞髮向河陽暇欲臨風散明將拂鑑光

紛紛絲乍綰冉冉墮成行
夙畏憂時短翻疑逐恨長
塵容凝客路淨色濯滄浪
澡處堪同雪侵來恐似霜
衝冠還直上委地亦清揚
莫問蓬心在行吟學楚狂
長安喜晤劉抑之姚元素于朝詩以相勗

束髮爲兄弟悠悠歲月深
流光不可駐衰髯漸相侵
末路嗟分軫良朋喜盍簪
好酬明主遇共勗古人心
赤紱非鴻業青山亦舊林
此身期不負涉世任浮沉
雙壽詩有小引

官允湯嘉賓先生披香芸草銜命桐封封政太公願

指之年賢母齊眉之日三公不易千秋並稱歡躍
潘輿綵鸞萊舞遠之邇之人倫俱羨斯豈抱丹心
而縣闕嗟白首之倚閭者哉凡百君子咸宜金石
之宣慙予不文聊作批糠之導云爾

國遣王人會家開指使年星應占太史氣已候神仙
桐葉分丹陛蓮花撒御筵郵程飛蓋紫宮綵舞衣鮮
鸚杓稱觴並鳩形刻杖聯漿從南斗挹婺向北堂懸
天壽方偕老君恩若較偏金莖攜掌上玉樹秀階前
酒汎瞳爭碧纁來髮映玄天倫歡未艾人世福真全

萱背承朱萸花間御錦韉不勞方朔對親見實三千
洪陽相公餞飲黃仲昇汪長康桃花嶺閣中余
亦與焉深夜乃別賦得十韻

眺覽西山勝招攜東閣開草堂虛綠野花徑得天台
橫嶺千尋上流泉幾道迴披雲聊枕石落日且銜杯
不羨箕山隱偏容傲吏來遙空江拂席浮白月臨臺
道以林間貴詩從物外裁喬松元自侶劉阮莫相猜
小憇塵容冥高舉霞思催猶慙鷄黍宿清嘯出林隈
清明日米君夢鄧遠游溫長卿吳翁晉閑景倩

集高梁橋賦得八齊

輕寒凌曉騎勝侶踏春畦苑柳綠初綻芳林青未齊
煙容飛遠岫雲氣濕香泥茗椀逢僧供罇壘任客攜
迴橋臨斷岸隔樹度危谿席地坐無選看花徑不迷
採丸窺去鳥停策緩征驪政好悲歌發銜山日照西

珍珠簾

明珠一萬斛羅注絮成簾前矚疑垂晃中縣儼覆幬
如絲聯箇箇非竹纖纖纖瀟散和風捲清融與露湛
真堪同壁立未許逐花拈金闕環相箔雲巘撒可規

茲山長表異人巧詎能兼

蓀谷

橫溪凡幾度別是一林幽崖斷憑橋合泉寒帶雨流
舊龕沉佛火新竹護書樓支許人俱往

昔伯實仲虛
邀介禪師于

此煙霞氣自投片陰堪結夏高樹颯含秋便欲懸雙

屐還爲勝地畱

自玉岑迤行人靈隱次秦冰玉山人韻

愛此長林好相攜朝爽行流泉清瀝瀝遠樹綠盈盈
乍展秋容媚微窺午影明深山惟鳥道古路有松聲

取徑非新得探幽覺妙生勝遊矜道侶靈境儼曾城
便倚雲峰臥徐將竹葉傾醉餘譚未已初月澹前楹

十六燈夕篇得盈字

白門

月夕上元好茲宵光倍盈韶華驕帝里燈火豔春城
錯落千枝燦澄鮮百道明流霞瑩寶騎散綵綴雕楹
高館輝金谷羣仙儼玉京朋來簪共盍醉去竿頻傾
不厭笙歌沸無端笑語生花飛迎霧綰曲響駐雲行
卜夜還連曙追歡詎畏醒爲郎愁易老行樂故多情
莫使蘭膏盡猶聞綠水聲金吾元不禁歸路已星橫

焦翁侯先生招同高孩之劉載父由吉祥寺看
桃花喜而有賦

山光自怡悅况復放桃花芳引深深徑天呈灼灼華
林端霏絳雪谷口落明霞麗景移尊上香風逐幔斜
周遭勞目送爛熳令心奢盛色真難再繁英此政嘉
雅宜新綠映偏愛薄陰遮拚作劉郎誤幽村自可家

銅殿

在金陵華山

孤峰新法宇寶殿出名鱸煜燐檠題麗雕鏤戶牖鋪
光搖金錯落座擁佛跏趺入治還超有凌雲詎涉無

江山移蜀道水月耀吳都
葦是名僧度花看法界敷
願分十二遍相好百千殊
東海無勞涉南天盡拜呼
梵輪隨處轉獨此鎮皇圖

玄父道友五十初度詩以壽之

與子共出處青雲與白雲
揮戈少年日駐策夕陽曛
相視居官拙相過問道勤
尋常憐往事五十羨方聞
禮佛旃檀供娛親菽水分
忘憂花不老辟蠹草餘芬
耐此風霜古寧須竹帛勲
總稱無量號笑狎鹿麋羣
新秋同蘇弘家張肅之曾舜徵王永啓赴焦弱

侯太史吉祥閣之招分四支

雨氣消殘暑涼颼送爽時村中蕭寺寂物外文人期
松屑僧厨供江光傑閣披坐綠瑤樹密語到白雲知
妙響疑聞籟微醺不放卮禮寬容笑謔道在見鬚髯
世事憂無限吾生趣自怡醉歸煙樹晚興訂重攜
初秋蘇弘家招同焦弱侯曾舜徵張肅之王永
啓集後湖長生菴分得長字

出郭勝可選入林秋更芳村煙高午炊湖柳散晴光
小憇袞安地新成般若堂駢車知客集偏袒喜僧將

譚劇聊停塵歌行一舉觴巖開因有酒心妙得聞香
永日猶恨短良朋引興長登高臨睥睨眺遠俯蒼茫
遙指山容紫分乘晚氣涼從來多韻事此夕樂難量

太僕姚元素高夫人親母六十華誕詩以爲壽
東洛初聞吹南山競奏歌流聲詠蘋藻尋好托絲蘿
夫子余同調詞林數見過論文青鎖闥采藥白雲阿
玩世龍能隱投閑雀可羅閨中緇五色庭下玉連柯
籬菊當筵媚江楓映酒醅瑤池問金母歲月定誰多
贈別同游諸相知時有所感

白日一何速流光難可持
條梅欲辭萼苑柳忽垂絲
不定悲愉態相推新故知
明珠雙淚泣寶劍片心貽
雲雨看今夕江山自舊時
眷茲垂老別願各保鬚眉
王母何孺人七秩詩以壽之有序

括蒼王生育鄉往已酉從予遊樸質能文稔知其
母何孺人賢有以成之辛酉六秩則樊致虛學憲
爲之祝今年春秋七十高矣育卿以應試見訪談
及有愉色因走華草一律爲壽

令子吾門俊清標得母儀
凌雲才自秀受日景方怡

蓮水

灼灼九品華盈盈一池綠何處吹笙簧高唱採蓮曲

松隣

峨峨千丈下肅肅濤聲起四顧悄無隣相看吾與爾

曲徑

曲曲三徑深主人罷迎送爲問入林人逶迤過二仲

題秘魔巖

探勝香山下靈巖字秘魔老僧趺坐久靜對白雲過

喝石

是石無受處云何喝爲三現茲神通力開彼妙靈函

靈鷲尿

一靈通妙微萬類等佛種累累生人頭何如成鷄壠

金仙頂

寥絕雲霞上低回日月中羣仙渺難卽豈立萬山空

解石

四垂絕雲氣神仙不可見何人擘虛空嶮巖分片片

醉眠石

醉亦不爲酒眠亦不作夢千秋夜何其清泉將石弄

棲賢八景在鍾陵潯陂

農家晚唱

日出荷鋤來日入荷鋤去三唱咏而歸明月照疎樹

僧寺晨鐘

空山何所爲日高僧未起一聲破諸緣寂寥從此始

茶圃春雲

入山展茶經我愛陸鴻漸香風泛綠叢春雲齊片片

書臺夜月

古人不見我幸有竹書在明月照高臺相對映千載

筆峰聳翠

橫看指學堂側看指文筆何以萬丈長應有五色集
帶水送青

望盈九曲水周遭縮衣帶四面碧山垂一一浮遠黛
寒沙泊鴈

江雲靜不流淒風嘯儔侶杳杳西北風和雲泊沙渚
暖谷鳴鶯

窈窕山谷間忽然春風生何來笙簧奏歷歷啼鶯聲
出長安劉抑之姚元素見別三絕

長安日以遠孤月照單車莫忘別來意逢人數寄書

其二

盡日逐車塵蕭疎送別人明知前路暮且復片時親

其三

三年經一別幾見柳條黃莫灑西風淚相看鬢已霜

辨才塔

香閣不可見辨師安在哉荒林孤塔影零落白雲堆

又

辨公久示寂一塔雲中停云何寂未滅遺想是蘭亭

石橋巖

有汪司馬伯玉題龍井恭盤石之勝

萬木盤空山杳然絕世路片石駕長虹雲霞從此渡

又

我來石橋上忽見司馬題桃花源可問不信阮郎迷

恭盤石

我聞爛柯山忽逢恭盤石畱與靜者看此局全不測

五花石

誰散五花雲陸離一片石好乘松下風便作萬里適

千佛巖三絕

是石本非佛佛豈石所有一身無體方幻出千眼手

又

昔聞人化石今見石爲佛三界皆如幻非人亦非佛

又

南泉許鑄佛生公令點頭說法與聽法俱向石中求

古佛庵

庵前何所有片石數竿竹菴裏古先生兀坐垂雙足

白雲庵

昔是真君宅今爲佛子廬幽意共此懷白雲無定居

木末亭看雪偶成

南山迴合望歷落一孤亭渺渺江天際微茫幾樹青

又

人生塵世間清賞苦不足旣得看雪山又復聽雲曲
十二詠有序

余旣爲宋司寇作繹幕園記又爲題詠凡十二

小隱堂

豈不懷當世所耽在泉石卽有變龍勲莫削求羊迹

白雲樓

結樓邀白雲雲來滿梁棟仰首高臥時氤氲護幽夢

容膝軒

軒居僅容膝抱膝日長吟一枝澹自得無人識此心

白衣庵

入室禮白衣白衣當何在片心作妙香空明墜清露

歲寒亭

貞士尚晚節貞木傲歲寒羣芳搖落後從之曰盤桓

問月亭

夜月開朗照放飲松醪春舉杯仰明月何似謫僊人

錦雲窩

雜花成錦雲爛熳笑春風
仙人下看漢誤認班璘宮

聞籟亭

空寂生靈籟宴坐滿清聽
泠然悅幽獨天地有真詠

釣磯

輕拂珊瑚竿高懸青紫綬
不羨溪中魚聊作溪上叟

亦蘭亭

宜作入室友且非當門生
偏向亭邊秀深合脩禊情

不如軒

藝禾復藝樹矯首時獨往農圃吾不如耶爲農圃長

攬輝臺

網羅方高張衆鳥行翩翩千仞攬德輝鳳兮何超然
六言絕句

吳門金玄朗快士也作移家六首索余投贈

何必梅福入越喜傷專諸居吳在國不嫌市井逢人
自命狂奴

滿宅蓬蒿仲蔚四壁琴尊長卿不問家人生產偏宜
國士逢迎

醉後青眼白眼狂來呼馬呼牛著書自謂不俗辟繯
可許無求

成佛敢希靈運臥遊自託少文動操高山流水冥坐
踈鐘白雲

山當片石試劒市有一椽臥龍自許潯陽三隱客擬
淮南八公

落紙大雲小霧矢口左方右圓湖海惟餘環堵意氣
不問刀錢

詠美人病起

枕上夢魂未斷
窻前日氣初分
有恨細縈眉黛
無語橫披鬢雲

萬山飛錫

宗生只耽高臥
向子偏愛遠游
但得山水中意
行臥無非
邵州行到水窮
是岸臥看葉落
知秋無翼自飛
誰杖端然古佛
峰頭

七言絕句

題沈九靈郊居集句

野水荒郊高士居
藥欄無事得三餘
避人不侶韓康

伯吟就新編獨晏如

贈醒神翁二絕

丹顏白髮氣橫秋到處名山杖可投已向赤松辭萬戶人間空自說留侯

其二

不須海外覓三山西去青牛未出關醉盡世人君獨醒爐中笑取大還丹

寄家書口占

柳岸風來九月秋片帆一夕過楊州鄉心無限書難

盡殘吹數聲移晚舟

賦得美人戎粧

芙蓉寶劍石榴裙一片香鬟挽陣雲自是傾城能破敵
敵漫疑孃子學從軍

驛宿夢杜鵑花

殘夢無端上驛樓啼紅滿樹杜鵑愁
色無奈蕭郎夢遠遊

塞下曲八首是時紛議東事

塞上烽煙是海東良家子弟盡從戎
千山陰度悲涼

曲萬里腥吹大漠風

二

樓船車騎戰聲殘
越嶠燕山道路難
腸斷翦刀衣不
就臨邊七月已驚寒

三

秦關漢月夜沉沉
欹枕刀頭蟀蟋吟
迢遞家山纔入
夢忽傳狂虜過榆林

四

霜花落劍雪生衣
正遇單于夜獵歸
轉關破日埋娃

字將軍裘馬自輕肥

五

徵兵轉餉似車輪戰氣蕭條戰骨新嘆息龍城飛將
沒漢家初計是和親

六

漠漠黃沙鴈陣秋胡笳哀吹起幽州總今短勒燕然
石多少游魂黯未收

七

謀臣如雨士如雲瀚海橫山勝未分一自夷氛嘉靖

後至今遙憶戚將軍

八

白草黃榆黠戍居每聞漢將遣輕車和親轉戰狐疑
事載得中山一篋書

韓視

豐潤縣北靈應洞相傳韓信攻書室有硯池蹟

擊趙攻燕戰氣揚硯池石室墨花香書中不解鴻飛
意乞得青齊一假王

秦嶺

縣北有山志稱荆叢唐太宗爲秦王時見之愕然曰此吾師曩言散朕外也下馬拜

之荆皆下垂
諸痕在焉

仗劍東征凱奏還
吾師猶自拜荆山
霜蹄尚駐拳毛
種駿色于今照玉闕

試劍橋

玉壘盤空漢塞高
刺山北瞰卽天驕
秋風不敢鳴鞭
過膽落山前試劍橋

夜坐成太史白鷗亭

悲來八月薊門秋
坐聽鐘聲起戍樓
參寂草玄人不
見紛紛涼月下羣鷗

天寧方丈逢僧名濟普而無字書可航歸之

淨院長廊罷掃迎偶逢松下不通名盤桓竟日無他
語送汝慈航萬里行

官人斜

翠鈿羅襦明月璫含情含態覩宮粧不知幾夜長門
怨忽作寒灰吹白楊

琴操墓

多少紅顏落照中風流千載托蘇公芙蓉花下荒青
塚三語曾參色是空

大滌洞

飛鼠投龍不可覩
靜墨濛濛藏大古
日光盪盡燈光
浮白晝蒸雲下如雨

龍元溫千里過訪走筆爲別

元溫東粵人諱章

吳山粵海路非難
千里同堂氣比蘭
莫向秋來悲廓落
芙蓉明月滿江干

玉嶺題別

生來傲骨是山林
六載逢君共此心
莫向湘江揮別淚
月明清影上高岑

午日行雨中走筆問丁右武一笑

風載征輪雨載途
恰逢午日與全孤
匆匆下馬飛書
問可有烹葵上客無

庚子入計宿天池山寺荏苒三年又及期矣廬
山面目媿未全識東林去講經臺只尺尚未投
足真是欠事遂乘日夕握衣登焉臺俯構有淨
室乃滇僧清虛手開此山毅然有興復白社之
想出卷索題余自笑是折腰淵明未便過虎溪
也聊題片語以代唱于

鑿石刊山實地開一椽西傍講經臺谿頭不斷蓮花

渡自有淵明歸去來

再過摩訶庵四睡詩

蕭蕭野寺圓雲門
蟬噪高松日影軒
一枕黑甜香午夢
風鈴石磬共無言

夕睡

河漢明月出東方
纔涉模糊卽據牀
無限禪門無別事
祇將清夢到羲皇

朝睡

何處山門急曉鐘
紅雲一片墮青松
蓬鬆短髮披高

枕驚起朝餐是午供

醉睡

劉伶呼我醉爲客我喚希夷睡是鄉爲問英雄醒後
意側身天地總茫茫

爲王木仲太史題梅花張是日木仲東歸

柳枝攀折不勝情賦得梅花贈遠行一枕羅浮香夢
醒淋漓紅雨落江城

道士主是賀監隱處

湖光空碧繞山光樹作巢居石作牀樵採何人聞姓

字風流只說賀知章

樵風涇

水南門外耶溪東多少遊人棹短蓬
一自仙郎遺羽箭晚風歸去趁樵風

鳴絃泉

山空滴瀝下如注轉覺飄蕭若風雨
却按宮商仔細聽二十五絃俱不住

松谷看泉

越礪懸崖興轉豪空山落日五峰高
青天何處來風

雨四月橫飛八月濤

送張肅之歸山陰

青溪明月碧梧林一片秋光蕩遠岑正好邀歡歌子
夜不堪雪棹入山陰

其二

爲郎不厭老江都得汝相看興未孤月色忽臨楊子
渡秋聲悽送莫愁湖

客貽余玉蝶梅一盆花香叢集經月不散愛而
有作

秋水爲神雪作姿
亭亭獨挺歲寒時
繁華不入人間
夢惟有孤山處士知

其二

慘慘春陰翳遠空
色香何處覓花叢
最憐小樹凝寒
玉獨抱仙姿却晚風

其三

自憐多病枕頽頽
愛看梅花眼未閒
爾獨朝昏送香
雪不須身到貌姑山

其四

題看一日一精神雪樣粧成錦樣新
夜半燭華搖素影簾前妬殺可憐人

其五

百盞明燈闌麗華飛飛玉蝶影交加
壽陽宮主持相比何似睂間五出花

獻花囀

融公說法幽囀裏忽有芙蓉花二莖
花落囀虛師不往白雲自在鳥無聲

題張衆之畫

千林茂樹引長日一片白雲沉綠叢人間不識巢居
子山陰共指老髯翁

中秋二絕時吉州校士作

寂寥無事獨登臺對影三人漫舉杯一片江天明月
朗空中應有夜珠來

其二

涼夜清暉白鷺洲良宵勝賞是中秋但醉不愁無伴
侶澄懷如水寄高樓

又

廓落心曾許共親况逢秋夜倍懷人
明明惟有中天月照得空江無一塵

途中雜詠

廣厦何須蔭萬間微陰十步亦怡顏
長途酷日焚如火楊柳垂垂草屋閑

其二

千里辭家已二旬病人辛苦作勞人
太平天子專天祝可得遼陽靜虜塵

其三

萬方執玉祝神堯病骨馳驅肯憚勞金鏡千秋人欲
獻只愁天近聽還高

其四

紛紛封事啓疆場西虜東夷戰日黃薄伐何時息戎
馬廷臣謾進萬年觴

其五

東方日出西方落一片光明自往來若使有情關造
物出時應喜落時哀

寓林偶作

蚊聚蠅營搃不聞塊然獨處似離羣眼前何物供吾
好屋裏青山樹裏雲

邵禹玄年兄七十壽詩

閩海歸鴻薄遠天鳳毛五色復翩翩陶然日醉長生
酒高臥青山不羨仙

題止園

青山門外秀林塘十畝閒閒水一方樵館煙庭都不
羨却宜隨處詠滄浪

題瀛海長春圖

雲璈靈曲奏清秋
栢子松花映玉樓
青鳥喜傳王母宴
紅桃千樹放瀛洲

程生雍極自楚李本寧先生來過訪賦贈

從來絕調郢人聞
況復龍門御李君
寥落空山無可贈
林中楓葉嶺前雲

車塵中偶閱禪偈亦妄作一偈

是塵非面面非心
是心非性性無性
若使性生心亦生
面面塵塵無了竟

寓林詩集卷之六終

此集清代列為禁燬之籍傳本極少
況為初印之本彌足珍重

蟾園記於漢江吉慶寓樓